

Stephanus I

Poloniae Rex.

Latrunc Martini: Oratio in exequiis
funeris S. Stephani Pri-
mi, Poloniae Regis lauda-
torum.

PANEG. et VITAE

Polon. 4^o

M 940.

ORATIO
IN EXEQVI
AS FVNERIS,
DIVI STEPHANI
PRIMI, POLONO-
RV. M. REGIS LAYDA-
TISSIMI.

Martini Laternæ, Societatis IESV,
S. Theologiæ Doctoris,



Timenti Dominum, ben.

Cracoviae
1588.

184.



5137

CINELIA



Ann. Qu. 5157.

IN FVNVS MA-
GNI STEPHANI PRI-
MI, REGIS POLONIÆ
ORATIO.

LVtuosissima hæc, squalorisq; ple-
nissima, exequiarum funeris STE-
PHANI Primi, Regis quondam
nostri, pompa, Ornatissimi, nobi-
lissimiq; Auditores, quemadmo-
dum rationi consentanea, & à veterum consue-
tudine non aliena; ita maximis eius in Rempub.
nostram promeritis, & virtute singulari, dignissi-
ma mihi videtur. Est enim hæc non tam scripta,
quàm nata in omnium gentium mentibus lex, ad
quam magis facti quàm docti, magisq; imbuti
quàm instituti sumus; vt ob principū in Repub.
virorum è vitæ huius statione discessum, in lucē
& squalore iaceamus: multò verò etiam am-
ob demigrationem eorum, qui ad omni-
tutem omnibus facem prætulērunt, nos
tabescamus. Hanc ante
prudentissima in
vitæ rat

Num: 20.

Deut: ult.

2. Reg: 3.

2. Par: 35.

Acto: 8.

interiùs esse afflictatos, diuinorum annalium monumenta testantur. Hanc Moyſis tempeſtate, ex ipſis quoque naturæ viſceribus, Iudæi videntur expreſſiſſe: dum Aaroni, ſummo ſacerdoti, & ipſimet Moyſi, triginta continuis diebus parentarunt; ad exequias Abneris, ſaccis induti ſunt; & poſt Iofix Regis funeri iuſta magnificè perſoluta, Threnos & Lamentationes ab Hieremia vate conſcriptas, iterum & ſæpiùs, longiſſimo complurium annorum interuallo, innouarunt. Hanc denique, aureo illo, poſt optatiſſimum veri Meſſiæ aduentum, ſeculo, à ratione magis proſectam, quàm aliquibus inſtitutis præſcriptam, ii etiam religioſi viri religioſius obſervarunt, quos primum illum, & locupletiſſimum IESV Chriſti teſtem ſanctum Stephanum, terræ mandaviſſe, planctumq; in eius funere magnum feciſſe, D. Lucas publicis ſacrarum literarum monumentis conſignauit. Tàm iuſto igitur, tàm prouidente, tàm forti, tamq; temperato Rege ſublato cur non moereat ordo Eccleſiaſticus, in vite curſum tranſmittat Senatus, do-

re. ſqualeant coloniæ, luge-

ipſi - - - - - ie, tantum

- - - - - ac Reipub.

Non

(hoc eſt, collectos, cum Apoſtolice ſedis Legato, Antitiſtes, comitantem funus Regem, ſequentem chariſſimi coniugis cineres Reginam, aduocatos Regni aliarumq; gentium proceres, miſſos obuiam adiunctosq; funeri, viros quoſque nobiliſſimos, numeroſiſſimum militem expeditum, congregatas omnes ſacrorum Religioſorumq; hominum familias, coacta vrbiſ totius Gymnaſia, pullas omnium ordinum veſtes, cataphractos, & quaſi ad pugnandum egregiè munitos equites, deductos generoſiſſimos funebri cultu equos, prolata militaria Regni totius ſigna, effuſam innumerabilem omnis generis hominum multitudinem, pleniſſimam gemitu, lachrymisq; CRACOVIAM, ſqualentia toto triduo, variisq; modis luctum concitantia tenipla, habitas funebres diuerſis in locis conciones, ornatos epitaphiis, aliisq; eiufmodi, in exequias ſcriptis carminibus, ſacrarum ædium parietes, accenſam ingentem cereorum vim, plenum cōmiſeratione cantum, affixa Regni Regiæq; familiæ ſtemmata, geſtatam publicè coronam, ſceptrum, & enſem, reliquamq; Chriſtiani funeris pompam) S.

multa in Regni hoc

Rege virtus me-

ri finit

Pompa funeris
Stephani.

recordationem dum venio, Auditores, virum
mente concipio, egregiè ad illam Diui STEPHA-
NI, tui, Chrifte Deus, inuictissimi athletæ, perfe-
ctionem, si non accedentem omninò, at certè,
dum in viuis esset, accedere contendentem: vt
plenus nimirum esset gratia, & fortitudine, face-
retq; prodigia & signa magna in populo. Quod
quàm verè à me vel cogitetur, vel dicatur; ex
his quæ de admirabilis istius Principis rebus ge-
stis dicturus sum, facilè cognoscetis. Et licet nec
Apelles sim, qui Alexandrum hunc nostrum, ge-
nuinis coloribus depingere; nec Lysippus, qui
eundem appositè fingere possim; quia tamen a-
pud eos tanti Regis laudes oratione persecutu-
rus sum, apud quos tam peruagata est illius vir-
tus, vt omnium penè quæ dicturus sum, testes
laudatoresq; possint esse; alacrius huic negotio,
à multis desiderato, mihi autem ab iis, quorum
nec autoritatem aspernari, nec voluntatem ne-
gligere debui, imposito, manus admouebo. Pri-
mum autem, quomodo plenus gratia fuerit, pla-
ciam: deinde verò fortitudinis eius pauca
argumenta in medium proferam: po-
terunt & illa, quibus in Christianæ
religionis status est, enumerando
eius & vbertate com-
mendi capi-

mi, quo Dei Opt. Maximiq; clemètia, hominum
mentes ornata, diuinam quandam, naturaq; ipsa
sublimiorem dignitatem consequuntur; atque
idcirco Deo, mirabili quodam modo, redduntur
acceptæ: sed bona illa, sine quibus nullam vitam
beatam esse Philosophi existimarunt. Quorum
tria genera, dum Peripatetici, & veteres Acade-
mici statuerunt, Animi nimirum, Corporis, & quæ
Fortunæ vocant; amplissimum mihi vel hac par-
titione de Stephani laudibus campum dicen-
di aperuerunt. Primum autem, si externarum re-
rum ornamenta spectemus; Maiorum bonum, Plutarcho iudice, est nobilitas: & quidem eius-
modi, Euripide authore, vt si quis à parentibus,
ipso Ioue illustrioribus, ortum ducat, scelere au-
tem interim, maleficioq; pascatur; in nobilium
verè numerum nequaquam venire possit. Quod
in Stephano felicitatis genus desiderare potest
nemo: quamcunque tandem ex tribus illis, à prin-
cipe Philosophorum Aristotele explicatis, nobi-
litis formam quis accipiat: siue gentis nimi-
rum illa sit, siue loci & ciuitatis, seu denique fa-
miliæ. Natus est siquidem Somlij in Transylua-
nia Stephanus Rex, STEPHANO Battoreo pa-
tre, laudatissimo eius Prouinciæ Principe, Ca-
tharina Telegdia matre, Anno à Virginis partu,
Millesimo Quingentesimo Trigesimo Tertio, illo
ipso die, quo de translatis S. Stanislai cineribus
Polonia; de Cosmæ autem & Damiani glorioso
natali, reli-

Tria bonorum
genera.

Plutar: lib. con-
tra nobilit.

Eurip. in Dict.

Tres formæ no-
bilitatis.

Arist. lib. 1.

Rhet: cap. 21.

Ranza: in epis
to. rerū Hung.

natali, reliquus Christianus orbis, quinto Calend.
Octob. gaudio triumphat. TRANSYLVANIAE
autem laudibus, quæ vnquam par esse potest ora-
tio? cūm, quidquid in Hungaria prædicabile &
præclarum est, id citra omnem controuersiam
non contemnendæ huic Hungariæ parti, suo mo-
do possit tribui: cui in splendore, & auri, argen-
ti, aliarumq; eiusmodi rerum copia, primas, &
Petrus Ranzanus, Pontificis Maximi ad Matthi-
am Hungarorum Regem Nuncius, & alii cōcesse-
runt. SOMLIVM verò, natalis Stephani sedes, li-
cet nulla alia ornamenta dignitatis suæ haberet;
eo tamen nomine multis mihi ciuitatibus ante-
ferendum videretur, quòd tam insignia Hunga-
riæ lumina in lucem ediderit; quòd orthodoxa
sacra in tot heresim colluuiationibus inuiolatè con-
seruauerit; quòd multis amplissimæ antiquissi-
mæq; Battoreæ stirpis, rebus præclare gestis,
egregiè sit illustratum. Porro in tertio nobi-
litis genere, abundè mihi illud ad Stephani
commendationem sufficere videtur; quòd & pa-
trem Stephanum, & fratrem Christophorum, &
Christophori filium Sigismundum, spectatissi-
mos Transyluanicæ Principes habuerit; quòd item
proavi illius fratrem Stephanum, gloriosè, de plu-
rimis Turcarum millibus, in ea vastitate campi,
quam vulgò Chegner vocant, vno die deportato
triumpho, præpotens rerum omnium Deus, il-
lustriorem reddiderit: quòd Andream eius ger-
manum,

manum, suprema Isabellæ Hungarorum Reginae
palatii præfectura nobilitauerit: quòd denique
Battoream domum in augustissimum purpura-
torum Patrum, quos Cardinales vocant, ordinè,
maximo iudicio vir Gregorius XIII. Summus
Pontifex, referre voluerit. Iam verò famam tan-
ti fecerunt veteres, vt mille thesauris ingentibus
& preciosis, Iesus Syrach filius, bonum nomen ex-
cellentius duceret; & bonam bonorum famam,
verè solam gloriam nominari posse, Latinæ elo-
quentiæ parens Cicero iudicaret. quid verò in no-
minis quoque amplitudine in Stephano potest
desiderari? Adolescens in optimarum artium &
politioris literaturæ studia, domi nauiter incubu-
it: maturitatem ætatis assequutus, in Ferdinandi
Romanorum Hungarorumq; Regis aula versatus
est: ibidemq; ob ingenij & morum elegantiam;
Carolo quinto, quem in Augustanis comitiis sa-
lutârat, & Mantuæ Duci, ad quem, datam illi in
matrimonium Catharinam, Ferdinandi filiam,
Patris voluntate honorificè deduxerat, alijsq;
Illustribus viris, & notus, & charus esse cæpit.
Paulatimq; partim in Italia, breuiore temporis
spatio; partim in Germania, diuturniore inter-
uallo, rerum maiore vsu acquisito, omnium in se
oculos & ora, in funesto illo Ioannis & Ferdinan-
di simul electorum in Hungaria Regum bello,
summi vir consilii, maximiq; animi conuertit.
B Nec multò

FAMA.

Eccle: 41.

Nec multò post, beneficio Ioannis Transyluaniae Principis, Sigismundi Augusti Polonorum Regis sororis filii, Varadini procuracionem suscepit: militariumq; copiarum Dux factus, tum ad Hadadum, contra instructissimas Cæsaris acies, & turmas, tum alibi, magna suæ industriæ virtutisque significatione, pugnavit. Declarata autem in militaribus studiis præclara animi magnitudine, solertiq; diligentia, in amplissimis quoque ad Ferdinandum, & Maximilianum Imperatores legationibus, prudentiam, fidemq; suam, probatam patriæ, orbiq; testatam reliquit. tantò in illo ad Maximilianum legati munere excellentior; quantò in custodia, cui illum Cæsar ob turbatas se absente, cuiusdam æmuli sui audacia, conditiones pacis, toto biennio tradiderat, ipsius patientia, cum innocentia sociata, facta est illustrior. Ex qua, Francisci maximè Crassini, Cracouensis tempore consequente Antistitis, tunc autem ad Maximilianum Oratoris, opera liberatus; tanquam Ioseph alter, à carcere, ad Transyluanicum Principatum, diuinitus planè vocatus est: cum nec vnus ex æmulis, ad eum dignitatis gradum aspirantis, conatus; nec Ioannis Principis pro ipso calculi, & vota, Stephano ad Transyluanicarum rerum administrationem aditum præclussissent. Quo tempore autem ille, ad profligandas, euertendasq; in Transyluania hæreses, de ad-

uocandis

uocandis in illas oras nostræ Societatis hominibus cogitabat; eodem, ille Deus, cuius hæc in Diuinis literis vox exstat; Qui honorificauerit me, glorificabo eum; qui autem contemnunt me, erunt ignobiles; ad ampliores illi dignitatis gradus viam patefaciebat. Eorum enim, qui ex Senatorio Equestrique ordine, ad Polonici Regni administrationem, maximè idoneum illum sententiis suis iudicauerunt, tam fortunata fuere consilia & desideria; vt licet Augusto Rege mortuo, Henrico verò ad suos reuerso, Maximilianum Cæsarem Archiepiscopus Gnesnens iam Poloniae Regem renunciaasset; licet etiam Typhenbachius, Maximiliani Legatus, à regno suscipiendo Stephanum fuisset dehortatus; voti nihilominus compos factus fuerit; ANNA Mq; Iageloniæ, Regio, aui, patris, fratrisq; sanguine, & excellenti virtute nobilitatam virginem, vrgente negotium numeroso Equestri ordine, in coniugem acceperit. Felix certè Regno, Regniq; diademate; sed non infelicius illo Dei Ter Max. beneficio, quòd post Maximiliani ex hac vita commigrationem, Rudolpho eius filio, ad gubernacula imperii tractanda, diuinitus planè vocato, diuturno foedere sociatam Germanorum Polonorumq; gentem, ad arma tunc propendentem inclinatione, funesta inter se bella gerere passus nō sit; & tam insigne Stephano rebus præ-

clare ge-

2. Mach 9.16.

3. Reg : 10

1. Reg : 25.

1. Reg : 10.

Acto : 14.

clare gestis nomen, apud exteros imprimis, breui
pepererit, vt illum Gregorius XIII. Pont: Max.
misso ex vrbe, Vilnam, in ipsis Christi Iesu Nata-
liciiis, pro more, benedicto ense, tanquam Hie-
remias vates Iudam Machabæum, ad gerenda p
communi bono prælia exacuerit: totusq; penitus
Septentrio, ac maxima Orientis, Occidentisq;ue
pars, mirificè illum colere, amare, prædicationi-
busq; eximiis efferre cæperit: illudq; inflâmato
studio pleriq; in Italia, & alibi, optauerint, vt ex-
pediendo aliquâdo contra Turcas exercitui præ-
poneretur: tanquam is, in quo nec scientia rei
militaris, nec virtus, nec authoritas, nec felici-
tas desiderari iudicaretur. Atque vtinam tanti
illum nonnulli ex suis fecissent, quanti extranei
& alienigenæ innumerabiles; nequaquam ille,
ipsi quoque Salomoni, principatum hac in re de-
didisset: quem ea clementissimus Deus felicitate
cumulauerat, vt suis, externisq; charus, quotan-
nis amplissimis ab eis muneribus ornaretur. Sed
voluit in illam quoque promeriti partem Ste-
phanum venire Diuina Maiestas, vt illas cum
Dauide, aut illis similes Nabalis voces audiret:
Quis est David, & quis est filius Isai? vel cum
Saul, illis, aliisue eiusmodi notis compungere-
tur: Num saluare nos poterit iste? Et certè si in
felicia illa D. Pauli Barnabæq; tempora Stepha-
nus Rex incidisset, non modò illum taurorum cæ-
de, & coro-

de, & coronarum præmiis Iconicus ille Iouis sa-
cerdos, cum effusa multitudine ornare constitu-
isset; sed omnia penitus vndecim honoris gene-
ra, quæ anilibus superstitionibus imbutas gen-
tes, illustribus viris olim decernere solitas, ex
Aristotele manifestum est, eidem exhibere con-
tendisset. Non enim donis tantum Stephanum
omnes cumulassent; nouis stemmatibus orna-
sent; primos vbique confessus concessissent; pu-
blicum & perpetuum victus genus permisissent;
genu nixi hominem vbique venerati fuissent; quo-
cunque venienti assurgi præcepissent; ludos &
spectacula in sempiternam eius memoriam de-
creuissent; sed statuas etiam excitassent, fana ex-
ædificassent, sacrificia obtulissent; vita verò fun-
ctum, magnificentissimo sepulchro, sepulchro-
rumq; monumentis, elogiis, & inscriptionibus,
quas hodie passim Epitaphia vocant, dignati fu-
issent. Nesciebat enim in honorum gradibus
modum, barbara superstitione contaminata vete-
rum religio: quæ tamen nihil esse amabilius vir-
tute, omnibus seculis rectè iudicauit. *Gratior est au-
tem clero veniens in sanguine virtus: vt Gratior est pulchro veniens in* Virg: 5. Aenel.
corpore virtus. Et hæc quidem in externis fortunæ or-
namentis, nos interim in Stephano admiramur.
Quis verò ea, quæ Corporis bona appellantur,
oratione depingat? Primas hac in re non imme-
ritò tribuit Aristoteles sanitati, pulchritudini se-
cundas,

Vndecim modi
honoris apud
veteres.

Arist. lib. 1.
Rhet. cap. 22.

Virg: 5. Aenel.

Arist: lib. 1.
Rhet: ca. 23.

cūdas, tertias firmitati, quartas iustæ magnitudi-
ni, quintas agnosticæ illi (vt Græci vocant)
gymnasticæue virtuti; quam & magnitudine, &
robore, & velocitate, idem definit, vltimas
placidæ tardæq; senectuti. Estne verò aliquis
vestrūm, Auditores, qui vel vnam horum corpo-
ris bonorum absolutionem perfectionemque in
Stephano requirat? Confessus vestros, amplissi-
mi Senatores, tribunalia, publicaq; subsellia in
mentem quæso reuocate. Quanta ibi, DEus
bone, Stephani fuit maiestas? quæ grauitas?
quàm excellens oris, totiusque corporis dignitas
& venustas? quis Principis illius habitus? quæ
externa species? quàm grauis? quàm ad res, &
personas apposita? quàm concinna? quàm sum-
mo Rege digna? Ad Herodis Agrippæ regia ve-
ste induti, pro tribunali sedentis, verbaq; ad po-
pulum facientis, nescio quam magnificentiam
obstupescens aliquando Hierosolymæ vrbis po-
pulus, Dei vocem, & nō hominis, aures suas cir-
cumsonare exclamabat. Verius mihi de plenif-
simo submissionis & modestiæ Rege Stephano
illud dicturus videor: illum in publicis conuen-
tibus, augustam quandam cœlestis internuncii, &
ab omni mortali concretione absoluti spiritus ef-
figiem, cum sancto Stephano præsetulisse; ora-
tionemq; eius diuinæ cuiusdam maiestatis ple-
nam, notari in illo, obseruariq; potuisse. ita gran-
dis, copio-

dis, copiosa, & expolita verbis, sapiens senten-
tiis, prudens responsis, consiliis, vel decretis,
sensu enucleata, genere toto grauis, omnibus de-
nique ornamentis abundans, aureumq; eloquen-
tiæ flumen fundens videbatur. externa verò cor-
poris constitutio, verè augusta, verè Regia, verè
omni veneratione dignissima iudicabatur. Arti-
ficiosè, affabrèq; pictas Stephani imagines, non-
nulli toties magna vestra voluptate vidistis. Cum
autem animū ab ipsa pictura & imaginib; ad rem
veritatemq; traduxeritis; quam non lætitiā, &
liberalem suauemq; iucunditatis concitationem
in animo sentietis? An non itaque vel in ipso
interitui & corruptioni obnoxio corpore, gratia
plenus vobis videtur, in quo nec firma valetudo,
nec venustas, nec dignitas, nec vlla alia corpo-
ris ornamenta Rege digna, potuerunt desiderari?
Sed minora sunt hæc, si cum animi bonis confe-
rantur. Quantò enim præstantior est animus
corpore; tantò bona animi, corporis dotib; ante-
cellunt. Quod autem donorum, virtutumq; ge-
nus, in Stephanum munificentissima Dei libera-
litas non contulit? Agesilai & Cyri Regum lau-
des, ita persequutus est oratione Xenophon; vt
Iouis (quod Poëtæ fingunt) filias, eius ore loquu-
tas, vulgus existimauerit. sed quid sunt laudes i-
stæ, cum Stephani comparatæ prædicationibus?
Si quæ enim, tūm in his, tūm in aliis, ante admi-
rabilem

Bona animi.

rabilem illum Messia ex Virgine ortum orna-
 menta virtutum fuerunt; maiora scribingentium in-
 genis, quam Regū studiis fuisse, à nonnullis sunt
 iudicata. Et certè, si in D. Augustini sententiam
 eundum est, perfectæ, suisq; finibus & numeris
 absolutæ virtutes, in hominibus à veri Dei co-
 gnitione alienis, esse non potuerunt. quam Au-
 gustini vocem, de virtutibus Theologorum mo-
 re consideratis, quidam non malè sunt interpre-
 tati. Quæ autem virtus obsecro Stephano de-
 fuit, quæ in Ducibus, Regibusq; Poloniæ (pla-
 cet enim nostra solum hoc loco attingere) ob-
 seruata, ad immortalem posteritatis memoriam
 transmissa est? Laudatur in PIASTO perliberalis
 quædam hospitalitas; sed, ô te hospitalissimum
 Stephane, qui non paucorum annorum interual-
 lo, mulso, porciue carne affatim suppeditata, fa-
 mem sitimq; nonnullorū hospitum depulisti; sed
 ad ipsum extremi iudicii diem, Varsaviæ, amplis-
 simam, omniq; egenorum conditioni & generi
 cōmodissimam domū, liberalissimè exædificasti.
 Celebratur in BOLES�AO Pudico, castitas in cō-
 iugio integrè inuiolateq; conseruata. Et meritò.
 In medio enim Babilonicæ fornacis, Boleslæ Pu-
 dice, verè pudice, concupiscentiæ, voluptatis ille-
 cebræ, ardentes flammæ euasisti: & cum D. Am-
 brosius, martyrium quoddam in iuuenibus existi-
 met esse castitatis obseruationem; mirabili qua-
 dam te,

Aug. lib. 5. de
 ciui. à cap. 14.
 ad 20.

Principum &
 Regū Poloniæ
 veterum, cū Ste-
 phano compa-
 ratio.

Piaſtus.

De hoc & aliis
 Chronica Polos-
 norum.

Boleslaus Pudic-
 us.

Amb: in serm.

dam te, tuamq; integerrimam coniugem Cane-
 gundam, martyrum gloria exornasti. Habet Ste-
 phani quoq; nostri, in stabili, sancta, perpetuaq;
 fide ornato matrimonio, laudes suas, animi cor-
 porisq; aliquot iam annis seruata castimonia: que
 tantò reddita est spectabilior; quantò euidenti-
 us in tot prolapsionum turpiumq; voluptatū oc-
 casionibus (quas ille vt piè admodum ita soler-
 tissimè deuitabat) in tam crebris locorum muta-
 tionibus, tanta quiduis faciendi libertate, tam fir-
 ma redundantis sanguine corporis constitutione,
 tam egregia, constantiq; valetudine, illud Sacri
 scriptoris in optimo pudentissimoq; Rege locum
 habuit; Qui potuit transgredi, & non est trans-
 gressus, facere mala, & non fecit.

Iam verò in Casimiri à vita solitaria & religi-
 osa, ad regni strepitus & tumultus reuocati rebus
 gestis, inflammatum & ardens pacis studiū, in ma-
 gna quidam laude posuerunt. Sed quis te, ô Ste-
 phane, pacis facile dari potest studiosior? qui vt
 variis tempestatibus iactatam Lithuaniam, cre-
 brisq; trepidationibus perculsam Poloniam, in
 placido diu expetitæ quietis portu collocares;
 nec laborem subterfugisti, nec impensis pepercis-
 sti, nec varias temporis procellas, aerisq; crebrā
 inclementiam declinasti, vitam denique tuam, vel
 in sola Moschouia, ter, grauibus discriminibus,
 heroico animo, pro Republica obiecasti.

C

Boleslaum

Eccl: 31.

Casimirus.

Boleslaus
Chabri.

Boleslaus quoque CHABRI, vt solertem, sagaciterq; res aggredi & perficere solitum, plenior (quod aiunt) ore, prædicationibus nonnulli extulerunt. Stephani verò Regis, & bello, & pace declaratam perspicacem prudentiam solertiâq; singularem, quot secula non modò laude ferent & mirabuntur; sed etiâ imitatione effingere contendunt? Candentes ignitiq; globi, præsentissimū incendii contra lignea hostiū propugnacula subsidium, primum in re bellica inuentum Stephani esse creduntur. vt alia interim celem taciturnitate, quæ illius solertiam in excogitando, consiliū in prouidendo, industriad in agendo, celeritatē in conficiendo, terra & aquis, suis, exterisq; testatam fecerunt.

Vladislav.

Præclara etiam VLADISLAI Casimiri filii mansuetudo, multos diuturna obstupefactos reddidit admiratione. Sed o tuam admirabilem, ac nunquam satis laudatam, Stephane, mansuetudinem, qui tot acerbas obrectationes, tot inuidas, temerariasq;, prudentissimorum consiliorum, factorumq; tuorū repræhensiones, tam diū, tamq; patienter, etiam publicè, ferre potuisti; vt illam etiam, in frequentissimo Procerū consellu, amplissimo cuidam Senatori, tuam miranti defendentiq; modestiam, Dauidis vocem aliquando extorseris: Memento, Domine, Dauid: & omnis mansuetudinis eius.

Psalm: 137.

Boleslaus
Criuouistum.

Quid autem de Boleslao, quem vulgus CRIVOUSTVM vocat, dicam?

dicam? Quam sæpè, quamq; diu præclaras eius victorias, & bonorū & malorum non immemor posteritas, est admirata? Nequaquam in hac quoque victoriarum gloria, Criuouisto palmam, Stephane Rex, concessisti. Quæ enim ora, quæ regio, quis terrarum tractus, quæ colonia, quæ ciuitas, quis denique locus, ad insignes, frequentesq; tuos triumphos non obstupescit? Quos non immerito, partim pictos, partim fictos, nonnulli, maturo iudicio prudentiq; consilio viri, immortali semipiterneq; totius ppè orbis memoriæ cōsecrarūt.

Miecislav.

Placuit & in MIECISLAO senex, maturior quædam seueriorq; grauitas nostratibus. At nemo Miecislavum faciliè Stephano, licet nondum ad exactam ætatem adducto, vnquam præferre vllomodo potuit; qui maturitatem Regiam, maiestatemq; plenam auctoritatem, in illo publicè aliquando, priuatimūc est admiratus. Porro CASIMIRI, Miecislai fratris, tenacem iustitiæ animū, quàm insigni laude, veteres nouiq; rerum scriptores, ornarunt? Verū ad Stephani quoque iustitiā prodignitate celebrandam, quæ vnquam, grauissima licet ornatissimaq; laudatio sufficeret? Hanc castra, hanc comitia, hanc ciuitates, hanc pagi, hanc agri quoque ipsi, contenta voce testantur & prædicant. Præclare enim à sapientissimo Salomone dictum est: Abominabiles Regi, qui agunt impiè: quoniam iustitia

Casimirus.

firmatur solum.

Patiamur in LESCONNE etiam, qui al-

Prover: 16.
Lesconne.

qui Albus est appellatus, excelsum quendam animum antiquitatem suspicere. At quam facile Stephano quoque nostro in hoc laudis genere Lescus concedet principatum? Hunc enim ad magna natum, magnaque & Heroibus digna spectantem, suscipientem, & perficientem, omnes plane ætatis suæ partes, euidentissimè testantur. Quàm enim feliciter in Hungaria eius adoleuit pueritia? quàm laudabiliter in Germania & Italia, eius se exercuit adolescètia? virilis verò ætas quàm gloriose in Transylvania primùm, post verò, vndecim propemodum annis, in vtraque Polonia, magnoque principatu Lithuanie, Rusiæ, Prusiæ, Masouie, Samogitiæ, Podlachie, Volhiniæ, & Liuoniæ, insigni eodem Ecclesiæ Dei præsidio, singulari verò Reipublicæ emolumento, ac maxima illustriorum in dies ornamentorum & subsidiorum spe, incredibili denique varii generis hostium terrore, transacta est?

Lothicus.

Non desunt, quibus in VLADISLAO Lothico, patientia in aduersis, fortitudoque laudibus digna videatur amplissimis. Utinam, Stephane Rex, præclara illa tua variorum incommodorum voluntaria perpessio, & diuturna patientia, non tanta in te fuisset, nec ita perpetuo visu quodammodo in te obduruisset; nequaquam fortasse nos, in tam acerbo ex tua demigratione luctu reliquisses; nec ad tam luctuosas parentationes, & vel aspectu solo, mœrorum concitata epitaphia, regni incolas adduxisses.

De Iagello.

De IAGELLONIS. Sigismundi Primi aui, in amplificando immortalis Dei cultu, pietate, munificentia & labore, per quos Regni Poloniæ tractus non peruasit nunciatio? Te felicem quoque, o Transylvania, cui auitam Religionem restituere, Episcopatum instaurare, omneque pietatis & eruditionis genus in illa innouare, nisi mors inopinata, vitam illi eripuisset, velis (quod aiunt) remisque Stephanus contendebat. Beatam te etiam, ô Liuania, quam hæresibus distractam, à Musis auersam, solidæ pietatis expertem, ijs tegere firmareque præsidis Stephanus ceperat; quibus operit, Constantinus Magnus Orienti & Occidentibus; Pipinus Rex, Germaniæ; Ludouicus Primus, Daniæ; Ludouicus eius filius, Bohemiæ; Carolus Magnus, Saxonie; Henricus secundus, Hungariæ; Carolus secundus, Gallie; Carolus Tertius, Normaniæ; Otto primus, Sclauoniæ; Micislus denique, Poloniæ atque Masouie.

Manifestum est ex nostræ gentis annalibus & illud; in CASIMIRO, Sigismundi primi patre, facilem offensarum obliuionem, prædicationibus ornatam esse creberrimis. Sed quoties in Stephano Rege etiam, publicas priuatasque offensiones, grauiorumque iniuriarum recordationem, vel solus sempiterni & immortalis Dei amor timorque oblitterauit? quanta in mansuetissimo illo Principe fuit lenitas? quàm mira facilitas? quàm cum in ami-

C. iij

cos eti-

Iagello.

Casimirus Sigismundi pater.

cos etiam & benevolentissimos quosque, nonnulli in multis desiderent; in Stephano, in hostes quoque, sibiq; quondam infestissimos homines, qualis illa fuerit, vel vnus Casparus Bekesius, magnis à Stephano, crebrisq; cumulatus beneficiis, identidem, dum in viuis esset, testabatur, cæteri q; demirabantur. Laudatur inter alia ab

Sigismundus. Historicis in SIGISMUNDO Primo, egregius de seipso triumphus. In carnis enim vitia non nihil natura scribitur fuisse procliuior: qui tamen coercere cupiditates, domitosque habere effrenes motus, pulchrum sibi gloriosumq; iudicabat. Vicisti teipsum in multis, Stephane, vicisti: dum in iram aliquantum pronior, gloriosissimè frena iracundiæ stimulis iniecisti. Longè hoc nomine felicior, quàm cum vrbes arcesque hostium, igne, ferro armisque expugnares. Etenim

*Fortior est, qui se, quàm qui fortissima vicit
Mænia: nec virtus altius ire potest.*

vt diuinarum literarum monumentis cõsentaneè, quidam veterum cecinit. Et quispiam plenum gratia inficiabitur illum, in quem clementissimus Deus, tot & tam præclara animi, corporis, fortunæq; ornamenta congeffit? Quæ Stephani virtus, tantò mihi illustrior videtur; quantò euidentiùs in omni quidem hominum genere; sed in primis in celsissimo Regiæ dignitatis gradu, illud vetusti Pœtæ locum habet:

*Rari quippè boni: numero vix sunt totidem, quot
Thebæarum portæ, vel diuisus ostia Nili.*

ita vt

ita vt Sacræ quoque literæ, ex numerosa illa Israelis & Iudæ Regū multitudine, paucissimos enumerando recentant, qui superstitiona, & anili, vatū Baalis, Lucorum, aliorumq; eiusmodi, religione, non fuerint conflictati. Satis quidem vel ex his quæ dicta sunt, omni virtutū laude cumulatū fuisse Stephanum manifestum euadit, Auditores: quia tamen speciatim, Fortitudinem in S. Stephano, egregiè ad Christi certamen instituto iuvene, Diuus Lucas miratur; qua ille instructus, concupiscentiam carnis vicit (neque enim temerè viduarum illi curam commissam interpretes obseruarunt); concupiscentiam oculorum vicit (nam non sine causa, rei familiaris administratio, ab ipsis Apostolis, cum sex aliis, ipsi credita est); superbiam vitæ vicit (nec enim insigne Archidiaconi munus, solita illum submissione animi spoliavit); patiamini, quæso, me tribus verbis, illam, in Stephano quoque Rege, commendare. Variis sanè virtutum præsidiiis tectum esse oportet Regem; sed in primis certè FORTITUDINE munitum. Noli, inquit sacer vates, quære fieri iudex, nisi valeas virtute irrupere iniquitates. Et cum fortitudo, multa ferre, plurima etiam aggredi, & efficere debeat; (est enim, Philosophis autoribus, animi affectio, in adeundo periculo, & in labore ac dolore patiens); quis pro dignitate explicet, quàm multa tulerit feceritq; Stephanus?

Eccli: 49.

Acto: 6.

Fortitudo Regis Stephani.

Eccli: 7.

Stephanus? Inuictum eius animum, dum mentē
contemplor; in illius domus super petram ex-
adificatæ recordationem venio, quam Christus
Dominus, nec ventorum vi, nec pluuiarum im-
briumque copia, nec fluminum impetu, suis sedi-
bus emoueri posse testatus est. Excitati sunt in
Stephanum venti domesticorum aduersariorum:
perpessus est imbres exterorum hostium: exper-
tus flumina, omnibus mortalibus communium
inimicorum: omnibus ille, Christo duce, factus
est superior. Exercuit, inter domesticos, patien-
tiam Stephani, tūc ante initum Transyluaniae
Principatum; tūc in ipsa eius muneris admini-
stratione Bekefsius: exercuit, collocatum ad re-
gni clauum, opulentissimum Emporium Danti-
scanum: exercuere, non multo post, Rigenses
turbæ: exercuere postremo, vt lippis (quod aiūt)
tonforibusque; notum est, quidam alii. Sed enim
omnes illum, & virum excelsi animi, & Regem
inuietæ fortitudinis, experti sunt; manusque; vel
sponte dare, vel inuiti, victoris frena victi subire
coacti sunt. Inter exteros autem, quā fatalis
Stephano videbatur, initio suæ inaugurationis,
cum maxima Germaniæ parte dimicatio? nemo
tamen, in illis quoque discriminibus, timidum,
fractumque; Stephani animum obseruauit. Quid
verò magnus Moschorum Dux, Ioannes Basilij?
quā acerbo, quāque; diuturno seruitutis iugo
presit

presit Liuoniam? quot ille hominum millia, eo-
rum maximè (ô tua, Christe Deus, arcana iudicia)
qui Religioni orthodoxæ bellum indixerant, tru-
cidauit? quāto temporis interuallo, magno Rus-
siæ dolore, maxima Lithuanie trepidatione, Polo-
ciam, aliasque; arces regno ereptas possedit? quē
non metum, efferi illius Principis potentia, & au-
dacia, finitimæ Russiæ, Lithuanieque; iniecit? Venit
sub ipsam Polociā Stephanus, & non longo tem-
poris interuallo, Deo fretus, duas ciuitatis illius
arces, vallo, vineis, præaltis crebrisque; turribus,
magna bellicorum tormentorum vi munitam, le-
ctique; militis non mediocribus præidijs firmatam,
in summa licet aëris inclementia, in tempestuosa
admodum æstate, igne, ferro, vi, ex hostium ma-
nibus, anno Christi millesimo quingentesimo se-
ptuagesimo nono, eripuit. Notæ sunt reliquæ,
hanc secutæ, fortissimi istius Principis, de Mo-
scho victoriæ, quas vel eadem, vel secunda, vel
tertia cōtra illum expeditione deportauit. Alias
enim arces bello captas esse memoria tenetis;
alias penitus deletas, alias deditione occupatas,
plerique; vel vidistis, vel fama accepistis. Venit in
hūc numerū Socolia, venit Turoulia, Sitnū, Sussa,
Cosiana, Vsviatū, Neuelia, Crasnū, Velisia, Turo-
becia, Ieseriscū, Zauolucia, Velicoluci, Ostrouia,
aliæque; eiusmodi tūc arces tūc ciuitates. Facileque;
vastissimā mole Pleseouia, magnā illam Nouogar-
diā, &

diā, & similes vrbes hosti ereptas, Regno vel restituit, vel adiunxisset; nisi vigilantissimus Christianorū omnium pastor & parens, Gregorius XIII. tantæ stragis, cædisq; hominum pertæsus, illiusq; Dei, cuius in terris felicissimè vices obiuit, clementiam imitatus, qua facinorissimos etiā quosque homines conuerti cupit atq; ita viuere, misso internuncio, & pacem, Liuania Regno restituta, procurasset; & Catholicæ religionis lumen, in oras illas, Græco schismate distractas, variisq; erroribus deformatas, qua potuit ratione, inferre tentasset. Iam de Amurate Turcarum Imperatore quid dicam? Qui cum Christophoro, Transylvaniæ Principe, Stephani Regis fratre, è viuis subkato, impuberi eius filio Sigismundo, dimidio maius tributum, contra superiorum annorū consuetudinem, imponere conaretur; effecit admirabilis illa Stephani autoritas, & vius, vt primum duntaxat pensione contentus, nihil noui in Transylvania moliretur. Qua virtute illud quoque apud eundem perfectum est; vt in Stephani gratiam, Ianiculam Valachiæ Principem, confini nobilitati nostræ iniuriosum, principatu spoliaret: cui cum facultates & vitam postea Leopoli, tanquam perduellionis reo, Stephanus eripi iussisset; atq; idcirco minaciter quædam, Turca Regi scripsisset; tantū abest, vt ob expostulationes illas cōminationesq; Stephanus metu exhorruerit; vt etiam muni-

am munitas arces aliquot, in cōfinijs contra Tartaros, magno Turcæ mœrore, maxima Tartarorum trepidatione, excitauerit. Notum est etiam plerisque, quid à Mehmete, & Aschlan, Tartarorum, vt illi vocant, Chanis, seu Principibus tentatum sit. iuit obuiam nefarijs eorum conatibus Stephanus. Ille enim Deus, qui aduersus quinq; sectas, vt apud S. Lucam licet obseruare, decertanti Stephano Protomartyri, opem tulit; publica emolumenta procuranti Regi Stephano, varia contra hostes præsidia, non sine prodigijs fermè quibusdam, crebrò suppeditauit. Parū autē est superiorem euasisse extraneis domesticisq; aduersarijs Stephanum: communis illa mortalibus omnibus tertia dimicatio, quā insignis in Stephano fuerit; honestissimè laudatissimèq; acta vita, qua ad omnem virtutem, omni hominum conditioni, ignes admouit, maximo certissimoq; est argumento. Tantūmnē verò fortem illius animū, tulisse multa commemorabimus; non autē multa etiam Stephanum fecisse, sempiternæ posteritatis memoriæ cōmendabimus? Fatalibus & funestis Tartarorum excursionibus vexatam, direptam, & tantū non oppressam Podoliam; multis crebrisq; liberatam periculis, lætami? Liberauit, Deo duce, Stephanus. Ereptam Molcho, Regniq; prouincijs denuò adiunctam Liuoniam gratulami? Eripuit adiunxitq;, Christo adiutore, Stephanus.

Acto: 6.

Dij

phanus. Ex aucta compluribus arcibus Lithuania
& Russia, suauem iucunditatis concitationē per-
cipitis? Auxit, diuina ope, Stephanus. Pacificati-
onem, ab armisq; discessionem vobis conciliatā,
obuijs vlnis complectimini? Conciliauit, Chri-
sto autore, & Christi Domini in terris Vicario ad-
iutore, Stephanus. Firmata esse cum exteris fœ-
dera, gaudio triumphatis? Firmavit, Dei præsi-
dio, Stephanus. Suppeditata domi salutaria con-
silia gaudetis? Suppeditauit, Spiritus Diuini au-
xilio, Stephanus. Plerasque leges, ad iubendum
honestā, vetandumq; contraria latas, promulga-
tasque libenter admittitis? Tulit, promulgauitq;
Stephanus. Tribunalium ad dirimendas citō con-
trouersias & lites, alioqui interminatas, institu-
torum, immortale, fructuosissimumq; beneficiū
sentitis? Instituit Stephanus. Noua præmia vir-
tutibus, nouaq; vitij supplicia propolita, non im-
probatis? Proposuit Stephanus. Et quid ego mi-
nutim hæc percensco? Portentis similia sunt, quæ
præclare aliquando, Regni habenis in manus ac-
ceptis, gessit Stephanus. Qui diligentius veterū,
totius propè orbis, rerum monumenta scrutati
sunt; septem, vt illi vocant, Mirabilia Mundi,
in vetustis annalibus obseruāunt: Ægyptiorum
scilicet Regum pyramides: quarum vnā à sex-
centis hominū millibus, viginti tribus annis ædi-
ficatam scribit Plinius: Phaream Ptolomei tur-
rim,

positi. in MAN.

septem mira-
cula mundi.

rim, octingentorum talentorum impensis excita-
tam: Babylonicos Semiramidis muros, in quibus
extruendis, trecenta hominum millia, constat
solita fuisse occupari: Ephesinæ Dianæ sanum, à
tota Asia ducentis viginti annis fabricatum: ab
Artemisia Regina exstructum coniugi sepulchrū,
triginta sex columnis artificiosissimè exornatum:
Solis Colossus apud Rhodios, altum cubitis se-
ptuaginta: Iouis denique Olympii, eburneum,
affabrèq; à Fidio factum simulachrum. Ecce ve-
rò vobis hodie virum, in quo vno, ille Deus, qui
etiam post demigrationem, septuaginta & am-
plius portentis, ab Augustino alijsq; conscriptis,
Stephanum Martyrem nobilitauit, SEPTEM que-
dam PRODIGIA, vi sua Diuina effecit. Princi-
pem in his mihi locum habere videtur, tam felix &
tam pacata Regni Poloniæ, annis propè vndecim,
administratio. Quam enim Regni nostri faciem,
Auditores, Stephanus, ad procurationem eius di-
uinitus vocatus, inuenit? vix certè ab illa diuer-
sam, quam Latinorum Pòetarum princeps, in
alio materiæ genere, genuinis depinxit coloribus.

*Centauri in foribus stabulant, Scyllæq; bifformes,
Et centum geminus Briareus, ac bellua Lerne,
Horrendum stridens, flammisq; armata Chimæra,
Gorgones, Harpyiæq;, & forma tricornis imbræ.*

Duplex siquidem, breuissimo temporis interual-
lo, Interregnum Polonia habuit: duos, tresque, vno
& eodem tempore, grandi suo periculo, Reges
elegit:

D iij

August. 22. de
Ci Dei. cap 8.
& Serm. 7. de
S. Steph.
Septem mystia
ca Stephani Re-
gis miracula.

1.

Virg: 6. Æne.


elegit; vixq; vllus erat, qui non in effreni libertate, in laxata domestica disciplina, in odiis & dissidiis intestinis, in auullis omnibus propè externis propugnaculis, in ereptis quibusdam in locis vectigalibus, in occupatis à barbaris hominibus, multis Regni domiciliis, in seditiosis frequenter de Repub. consiliis, in tot diuersissimis pestilētissimisq; hēresibus, tot prophanatis templis, tot aris dirutis, tanta impunitate scelerum, tanta legum indulgentia, tanta subditorum seruitute, tanta gentis æmulatione & inuidia, tanto, & profligatissima quaque hēresi imbutorum hominum, & Iudæorum, dominatu, tam restincta in omni penè hominum genere, amoris Diuini flāma, non extrema quæque formidaret. Prodigium itaque quoddam, clemētissime Deus, per Stephanum effecisti; dum nobis facta testāq; omnia; totis vñdecim ferè annis, conseruauisti. Felicius enim ille regnavit, quàm sperare; plura pro communi emolumento Reipub. tentauit, quàm optare potuimus. Portenti loco illud quoque D. Bernardus habet, si quis in rebus præclare gestis mirabilis appareat; & tamen de se abiectè summisq; sentiat. En vobis tale, Auditores, in nostro Stephano portentum. Instructū egregiè variis animi, corporis, & fortunæ dotibus virum fuisse, auditione accepistis: plenum fortitudine Regem mirati estis: quæ tamen in illo animi submissio elu-

sio eluxit? Veritas, dixit ille, odium parit. sed tantum abest, vt veritatis culture assertioniq; inimicum se Stephanus præbuerit; vt semel ac iterū ab eo monitum me recorder, vt si quid Dei honestiūc offensionem in aula concitaret; liberiūc, verbo, scriptoūc, iis de offensis, eundem commonefacerem. Excellens quidam, in arcanis Dei nostri literis, obseruant Theologi, dum Naaman Syrum, Patris nomine, à seruis familiaribusq; suis appellatum accipiunt. maius quid habet Stephanus Rex: cui ad veterū Regum consuetudinem, Sacerdotes Patrum nomine dignari, & aliis honoratis ornare titulis, frequens fuit & familiarē. Et cum apud elatiores delicatiorē nonnullorum Principum animos, multis & introitus, & aditus obstructus sit; solusq; illustrioribus viris pateere aliquando soleat; ea Stephani nostri hac quoque in re facilitas & modestia fuit; vt nulli ad se præcluso aditu, ipsemet supplices, abiectissimorum etiam homulorum, libellos acciperet; & tanquam eximia quædam Christianæ submissionis argumenta, capitis integumento adiuncta, publicè priuatimq; frequentissimè gestaret. vt omittam modestiæ indicem, virtutisq; custodem verecundiam: quæ tanta in Stephano fuit; vt eam valetudini non mediocriter, quibusdam de causis incommodasse, lapillosq; duos, in certa corporis parte, procreasse, medicianatomiciq; illo mortuo, obser-

Terenti. in
Adria.

4. Reg. 5.

• 11.

Bern. sup. cant.
serm. 37. 
alibi.

quo, obseruârint. Quod si contemptum obtrectationum, tertio inter prodigia loco ponere voluerimus; quis in hoc miraculi genere, nostro Stephano inueniri facile poterit gloriosior? Temeraria nonnullorum libertas, nunc generi, nunc religioni, nunc vitæ communis moribus, nunc virtuti, nunc consuetudinibus, nunc studiis, nunc rebus gestis, nunc consiliis, nunc decretis eius detrahare, castigationesq; & notationes censorias comminisci solebat audaciùs. Vidisses Stephanum, eiusmodi hominum insolentiam, obtrectatorumq; maledicentiam, generoso animo contemnentem: sæpiùs autem hanc, mediocribus etiam viris peracerbam obtrectationem, non stomachum illi, sed liberalem risum placidè mouentem. Et cum Hungarorum annales prodiderint, eam vnus ex gentis Regibus, fuisse aliquando iracundiæ vindiçtæq; vim; vt Ladislao, Ioannis Coruini Principis, octo & ampliùs annis apud Hungaros supremum obtinentis magistratum, filio, ab obiecto forsitan crimine immuni, quater à ceruicibus caput, crudelem in modum, præcidi iusserit: in Stephano omnia plena mansuetudinis, plena clementiæ, plena humanitatis, in eos etiam fuerunt, qui consiliis, studiisue suis, quocunque tandem modo, euidentiùs sunt peruaciùsue aduersati. Voluit enim Christus Dominus, in illius gloriæ societatem Stephanum Regem nostrum venire,

nire,

Ranzanus in
epit. rer. Hungar.

nire, qua ob tolleratum quadruplex Iudæorum calumniæ scurilisq; dicacitatis genus, à S. Luca descriptum, primum suum martyrem Stephanum, reddi voluit in cœlis in terrisq; illustriorem. Iam illud quoque, magnam, apud Sanctos orthodoxæ Ecclesiæ Patres, tacit mirabilitatem, si integritas corporis, in rerum affluentia, inuiolatè incorrupteq; seruetur. Periclitatur enim, Diuo Bernardo iudice, castitas in delictis: & vt à magno illo Moyse explicatum est, incrassatus dilectus, impinguatus, & dilatatus; solet, spreta etiã augustissima illa numinis Diuini maiestate, calcitrare. Obstupefcite, obsecro, ad hæc etiam in Stephano Rege, mirabilia, sempiterna commemoratione dignissima. Vixit pro Regia magnificentia Stephanus splendidè; vixit tamen & castè. Quod si Salomonem, Baltasarem, Ninum, Sardanapalum, aliosq; eiusmodi, rerum affluentia & copia non vicit; certè, quod gloriosius est, castimonia vicit: reuera acerrimus libidinù hostis, capitalisq; omnis intemperantiæ & turpitudinis inimicus. Quod enim nonnulli, nescio quas, in hoc genere, suspiciones sparserunt in vulgus, & in dubium Stephani nostri, inuiolatam omninò in coniugio fidem, vocare non sunt veriti; Deum millies testari possem, qui aliquot annis, conscientiæ illius latebras recessusq;, ipso sic volente, scrutatus sum; totum hoc, nihil nisi nectas, & conficta fuisse

E

médacia

Acto: 6.

IIII.

Bern. in Serm.

Deut. 32.

inédacia. Sed quid vulgo incertius? in quo se penur-
merò, nec ratio, nec consiliū, nec honestas, nec æ-
quitas, nec cōstātia locū habet. præterquā quod
suspiciosē quēdā vel cogitare facilē, vel dicere, o-
mni penē hominū conditioni, frequēs est & fami-
liare. Beatus interim sanē diues, qui inuētus est si-
ne macula. quis est hic, ait Sapiens, & laudabimus
eum? fecit enim mirabilia in vita sua. Nemini
quoque dubium est, inflammatum illum arden-
temq; Dei Opt: Max: cultum & amorem, nego-
tius distrahi sapē solere, ac interdum etiā dissi-
pari. Periclitatur enim, ait D. Bernardus, pietas
in negotiis: nec sine causa lippis oculis Lia, in
qua discriptam curis vitam, vetusti Patres adum-
bratam obseruant, à Moyse introducit. nec abs-
re, etiam Martha sollicita vocatur à Domino: vt
quæ erga plurima non modò versetur; sed etiam
aliquando turbetur. At Diuina illa vis, quæ igni-
tas amoris Diuini flammæ, in Sancto Stephano,
rei familiaris, & viduarum curam habente, restin-
gui non passa est; eadem in Stephano Rege, in-
tegram incensamq; pietatem conseruauit. Testis
est pietatis illius, sanctè incorrupteq; in tot Hun-
gariæ sectis, inter se dissectis, orthodoxa religio,
in patrio solo, perpetuò conseruata. Qua in re,
illud obseruare licet, à sacrosancti Euangelij scri-
ptoribus, non sine insigni mysterio literis confi-
gnatum, vt duobus in vno agro, mola, lectoūe re-
lictis,

Eccles: 31.

v.

Bern. in Serm.

Gen: 29.

Luc: 10.

Mat: 25.

Luc: 17.

lictis, vnus assumeretur, alter relinqueretur. Tres
enim germanæ Stephani sorores, hæresi conta-
minatæ, è vita excefferunt: tres contrà fratres,
in Catholicæ fidei ardenti constantiq; studio, vi-
tam cum morte commutauerunt. Cuius ardoris,
illa quoque sunt non vulgaria indicia, quod ab
ipsis Poloniæ nostræ finibus, ad vltiores Daciæ,
Transyluaniæq; terminos, vix aliquem reperire
liceat angulum, in quo integrè, veteris & sanctæ
maiorum nostrorum religionis consuetudines &
instituta sint cōseruata: præter illa, verè fortunata
loca, in quibus tres isti fratres, vel eius funda-
menta iecerunt; vel singulari sua vigilantia illam
conseruauerunt, iuuerunt, auxerunt. Testis eius-
dem pietatis, est vox quoque illa, Ecclesiæ Dei
hostium, qui in bellicis aliquando Hungariæ tu-
multibus, Stephanum fratresq; eius, Marianos,
hoc est, Mariæ Virgini & matri addictos milites,
per ludibrium appellabant. Raram fidem pieta-
temq; inesse viris, qui castra sequuntur, commu-
nis vulgi fert opinio: in Stephano autem nihilo-
minùs, etiam castra, vel olim sequente, vel postea
ponente & metante, fidei pietatisq; suum relictū
est domicilium. Dixisses castra Stephani, castra
fuisse vel Moylis, vel Dauidis, vel Iudæ Macha-
bæi: aulas verò eius & triclinia, facilè religiosā
quandam Christianæ militiæ scholam appellasses.
Luxus in illis nullus, commessatio nulla, fastus
E ij nullus;

nullus: procul ab illa aleatores, procul illi, quorū ignauia, etiam inertiam secum afferret: sed vel sacre in illis, horis statim, fuerūt preces, & sacrificia, quæ nullo die intermittebantur; vel salutaria de Ecclesiæ Dei & Reipub. commodis collata consilia, quæ diuinitus planè, noua, & euidenter fructuosa, Stephano suppeditabātur; vel iudicia, causarumq; cognitiones, quibus ad grauiorem etiam valetudinis offensionem non rarò incumbatur; vel negotiorum variorum expeditiones, Regiaq; manu factæ tam crebræ subscriptiones, vt aliquādo ducentas ante meridiem, trecentas & amplius post meridiem, vno eodemq; die à Stephano recognitas & subscriptas varij generis epistolas, senatorij vir ordinis, Stephani laborum testis locupletissimus, apertè declararit. Testis denique religionis eiusdem est, illa complurium Societatis nostræ Collegiorum perliberalis crectio atque fundatio: Polocensis in Russia: Rigenfis, in Liuania: in Estonia, Derpatensis: in Transyluania, Claudiopolitani & Albauliani: in Hungaria, Varadinensis. vt interim duo Cracouienlia nostra domicilia omittam, eius maximè studio & opera, beneuolentia verò singulari & Antistitis, & Ciuitatis Cracouensis nobis concessa. Neque his finibus, Stephani pietas, & verè paternus in nos amor, sollicitaq; de Ecclesiæ præfidiis ac ornamentis cogitatio, circūscribebatur. Multo enim

tò enim plura eiusmodi, in dies ferè, animo volebat: quæ re ipsa aliquando perfecisset; nisi, & inexorabilis mors, improuiso illum vitæ istius lucisq; vsura priuauisses. Quid enim non, Romæ, tum per literas, tum opera amplissimi illius S. Romanæ Ecclesiæ Cardinalis, Apostolicisq; Legati Bologneti, tentauit; vt Brestæ, in Lithuania, nouum Societatis nostræ Collegium excitaret? Et ne solis Brestensibus, in Prouincia illa, benè benignèq; faceret; Giodnæ quoq; templum egregium, maxima ex parte, exædificauit, prædiumq; insigne, prius etiam quàm rem de Collegio in Vrbe transegisset, solo religionis Orthodoxæ inflāmato studio permotus, ære suo comparauit. Quod si quis, tum in bellicis tumultibus, tum pacis tempore, tum in grauioribus quibusdam egrotationibus, attentissimè ab illo auditas, ac postea crebrò repetitas sacras conciones, audita sacrosancta Altaris mysteria cogitet; ornata etiam & locupletata, octoginta & amplius sacris preciosisq; vestibus, in Liuania, & alibi, templa, ac, quod excellentius est, restitutam Esthonibus, Liuonibusq; Episcopi dignitatem, recuperatas ædes sacras, aduocatos sacerdotes, fundata Gymnasia, erectas parœcias, aliaq; eiusmodi consideret; si quis itè, honesta, matura, & pia Stephani priuata colloquia in mentem reuocet; ad tua, clementissime Deus, beneficia, cum prodigijs quibusdam sociata obstu-

E iij. ata obstu-

ata, obstupeſcet: qui cū grandiori corpore con-
ſtantibus brutis animantibus, pauciores paſſim
rarioresq; foetus, minoribus verò, plures & cre-
briores gignere, in lucemq; edere conceſſeris;
hominem tamen in ſummū dignitatis Regiæ gra-
dum cuctum, mira virtutum vbertate, tanquam
foetu quodam, raraq; perfectionis Chriſtiane co-
pia florentem effeceris. Et cum conſuetudo, alte-
ra, vel (vt D. Auguſtinus loquitur) affabricata ſit
natura; in grauiſſima etiā illa fataliq; ægrotatiōe,
hæc ipſa, & iucundum diuinarum rerum in Ste-
phano ſenſum exacuit; & ardentes ad Deum pre-
ces fundendi celeritatem incitauit. His enim
tunc, aliſq; ſæpius repetitis vocibus, non vulga-
ria ſanctimonix ſuæ, integritatiſq; argumēta, Rex
dedit religioſiſſimus: Miſere mei Deus: Ne de-
relinquas me Domine Deus meus: ô Deus æter-
ne, quales fuimus antea, & quales modò ſumus?
Quales præteriti anni fuerint, ſcimus; quales ſe-
quentes futuri ſint, neſcimus: Benedictus Deus,
qui nos in graui illa noſtra, poſt capitis vertigi-
nem, prolapſione, animam ſtatim eſſare paſſus
non eſt. vt interim ſancta illius deſideria, conſi-
liaque præteream, quæ in vltima voluntatis ſuæ
ſententia, & imperfecto, ob morbi vim, teſta-
mento, Grodnæ, ſexto ante obitum die, factò,
maxima orthodoxæ fidei, excellentiſque pieta-
tis, ad vitæ finem conſeruata, ſignificatione, de-
clarauit.

Auguſt. lib. 6.
de Muſica.

clarauit. Inuenieturne verò iam quiſpiam,
qui Stephano, (anno ætatis quinquageſimo
quarto, ab optatiſſimo autem Meſſiæ ortu,
Milleſimo quingenteſimo octogefimo ſexto, pri-
die Idus Decembris, periculoſum, omnibusq;
mortalibus commune iter ingreſſo) ſanctiſſimè
olim viuenti, grauioreſ conſcientiæ labes ſoli-
citè declinanti, pia propoſita in extremo vitæ
mortiſq; conſlictu, animo incluſa gerenti, magna
ſolidæ pietatiſ argumenta, in maximis etiam do-
loribus, præbenti; ne latum quidem vnguem vn-
quā, à ſanctæ Matris Eccleſiæ placitiſ & decretiſ
diſcedenti, diuiniſq; illiſ Chriſtianorū myſteriſ
& Sacramentiſ, magna ſemper religione, inſigniſq;
& diuturna animi & corporiſ præparatione vtē-
ti, bonorum denique operum maximarumq; vir-
tutum pleniffimo, ſpem immortalis ac ſempiter-
næ gloriæ, ob inopinatum ac celerem, ex illo in-
fauliſſimo nobiſ ſymptomate, obitum, audeat e-
ripere? Non poteſt certè (Auguſtini ſententia) *Auguſt. lib. 2.
de doc. Chriſti.*
malè mori, qui benè vixerit. Nec memini, (in-
quit Hieronymuſ) me legiſſe mala morte mortu-
um; qui libenter opera charitatiſ exercuit. De-
nique iuſtus, vt Diuina docet ſcriptura, ſi morte
præoccupatuſ fuerit, in refrigerio erit. *Hier. ad Nepo-
ſap: 4.*

Porro præclaroſ de vitioſa natura triūphoſ, nō-
né voſiſſi, Auditoreſ, in oſtētorum numero repo-
nitis? Naturam, ait quidam, expelleſ ſurca, ſamen uſque recurret.
Non deeſt *Horat. lib. 2.
Ser. Sat. 2.*

VI.

Non deest hoc sextum quoque ostenti genus Stephano, Principi maximis laudum insignibus exornato. Diffiteri non possumus, iracundio rem natura aliquantum fuisse: (& corporis enim constitutio, & negotiorum moles, magnas ad iracundiam faces solent adinungere:) Seipsum tamen Stephanus ita vicit; ut audiente me, illud sæpius ingenuè fateretur, se nec in eos, quos capiti famæq; suæ insidiari nouerat, vindictæ priuatæ impelli studio; nec odisse animo, quos Christiana lex, etiam nobis aduersos, præcipit diligere. Ad summam, stipulæ instar accensæ, Stephani iracundia fuit; exardescens subito, statimq; restingui solita. Neque enim, etiam apud perfectissimos quosque viros nouum est, antè animum ab iracundia præripi; quàm præuidere ratio potuit, ne præiperetur. Quamuis, velim vos ipsi iudicetis, sitne tanti in Stephano id faciendum; cum Peripatetici, iracundiam, Fortitudinis quasi cotem appellaauerint; & nec fortem Imperatorem, nec præclarum oratorem, nec publici, priuatique muneris idoneum administrum censendum putauerint, qui iracundiæ aculeis destitueretur. Solent denique,

VII.

Ari: lib 3. Eth.

2. Machab: 7.

rerum liberi explicatores, historici inquam, contemptum mortis in rebus mirandis ponere (omnibus enim horribilibus, terribior, Aristotelis sententia, mors est) atque ideò maximè tum Machabæos, in antiquo Dei clementissimi populo, tum infini-

tum infinitâ Martyrum vim, post Euangelium Christi Domini promulgatum, admirari & prædicare iidem consueuerunt. Quod in Stephano prodigiū, Hungaria vidit, Germania mirata est, Prussia ad illum exhorruit, Russia toties est contemplata; Moschouia verò inprimis, ob inuictam eius animi magnitudinem, ita suspicere, & cum formidine demirari coepit; ut de dandis eidem Moschouitici Principatus gubernaculis, aliquando cogitauerit. Qui si fatalia illa, & funesta mortis tela timuisset; nunquam tam paruo septus comitatu, pacis, belliq; tempore, non raro, periculoso etiam itinere, se dare consueuisset. Atq; utinā, Stephane Rex (iterum enim idem querelæ genus, me dolor compellit innouare) maiorem tuæ valetudinis, in qua tantum situm erat, curam habuisses. Sed heu clarissima Regni nostri lux, STEPHANE, iaces! nostrum singulare, post Deum, ornamentum & præsidium, Stephane, iaces. O luctuosum nobis, duodecimum Decembris diem, quo Groduæ inter viuos numerari desisti. ô moestissimum tunc, omni hominum conditioni spectaculum. ô acerbas modò exequias tuas: ô tristem istam funeris pompam: ô infaustam nobis supremi diei tui celebritatem: ô inopinatam parentationem. ô iterum moesta, moesti funeris spectacula, decimo Idus Iunij, in hac vrbe, ipso sepulturæ tuæ die, nobis exhibita. Rex noster, Stephane, iaces! parens patriæ,

Mors Stephanini.

F

Luctus omnis
um statum.

2. Reg: 11.

1. Mac: 9.

Thren: 5.

patriæ, Stephane, iaces! Magna, Auditores, iactura est hominum, ex hac vita decedentium; Regum maior; bonorum verò Regū maxima. Quis ergo prohibeat, vel potius quis non probet squalorem vestrum, lachrymas vestras, planctum vestrum, mœstissimarum exequiarū, mœstissimi spectatores? Tibi igitur inprimis, ANNA Iagelonia, lectissima Stephani coniunx, & diuturna vita dignissima, Poloniae Regina, qui, ad illachrymationem, & luctum, stimuli essent adhibendi? Sed parco sexui, parco imbecillæ tuæ valetudini, parco tempori, parco denique eximiæ patientiæ ac moderationi tuæ. Comple interim plangore & gemitu, sacram istam ædem, afflicta omnium nostrum parens, ECCLESIA. Qui enim, longè excellentiùs quàm Saul, vestiebat filias tuas coccino in deliciis, qui aurea prolis tuæ cultui ornamenta præbebat, Stephanus Rex, charissima illa tua soboles, excessit è vita. Edeploratus infortunata Polona RES PUBLICA, & in illas cum ludæis voces prorumpe: Quomodo cecidit potens, qui saluum faciebat populum Israel? Stephanus Rex & moderator tuus, de vitæ huius præsidio discessit. Squalè, SENATUS amplissime. Cecidit Stephanus corona capitis tui. Luge ornatissime EQVESTRIS ordo: lectissimus flos dignitatis tuæ, ex quo gratissimæ odorum suavitates afflabantur, decidit & clanguit. Affli-

ctamini

ctamini omnis generis MILITES fortissimi: castrensis vestra, militarisque, tum exercitatio, tum gloria, penè cum Stephano concidit. Mœrete florentes ACADEMIAE atque Gymnasia: Musæ vestræ, præclarum ornamentum dignitatis, & præsidium stabilitatis Stephanum amiserunt. Tu verò nostra minima SOCIETAS IESV, quibus te trades lamentis? quas fundes lachrymas? quo in dolore versaberis? propagatorem tuum, adiutorem tuum, firmamentum tuum, parentem denique optimum amisisti. Illachrymate omnes RELIGIOSORVM hominum familiæ: Stephanus Rex, religione plenissimus, Religionūq; omnium firmissimum propugnaculum, ad extremum vitæ mortalis diem adductus est. In acerbo mœrore vitam age, nobilis & laudatissima Stephani AVLA: erepta immaturè vita Stephano; tibi quoque multorum subsidiorum, firmissimorum præsidiorum, perliberalium iucunditatum, & maximorum ornamentorum spes est erepta. Intabescite luctu CIVITATES, pagi, agri denique ipsi: Stephanus Rex, in cuius manibus, splendor, gloria, defensioq; vestra fuit collocata, in aliam vitæ melioris ciuitatem est translatus. Nulla denique ætas, nullus sexus, nulla conditio sit, quæ non graui mœrore confluetur. Stephanus enim Rex, plenus gratia & fortitudine, faciensq; prodigia & signa magna in populo, extinctus en iacet. Sed

F ij hem,

Ennius.

Stephani Regis
oratio. & per
oratio.

Apoc. 21.

Apoc. 19.

2 Reg. 14.

4. Reg. 22.

Psal. 83.

Ecclesi. 1.

Apoc. 14.

Iob 19.

Ibidem.

hem, contineo me, dolorisq; ista incitamenta co-
hibeo. Circumtonare enim videtur aures meas,
vox illa, olim quidem ab vno veterum Poetarum
literis mandata; sed nunc à Stephano, rursum
non incommodè usurpata. Nemo me lachrymis decoret, ne-
que funera sletu Faxit. Ad augustiora regna, & quidem
illa, in quæ Reges terræ suam inferunt gloriam &
honorem, vita functus, commigraui. Nemo
me lachrymis decoret. Beati enim, qui ad cenam nuptiarum
agni vocati sunt. Commune naturæ debitum solui.
Nemo me lachrymis decoret. omnes namque mori-
mur. & quasi aque dilabimur in terram. Variis, cum Iosia Re-
ge, periculis incommodisq; Regno impendenti-
bus, subtrahus sum. Nemo me lachrymis deco-
ret. quia *Melior est dies vna in atriis tuis, ô Deus, super milia.*
Non ita vitæ cursû transmissi; vt mors mihi probro
esse possit: suppluiq; virtute, & rerum gestarum
gloria, quod mors mihi ademit immatura. Nemo
me lachrymis decoret. *Timent enim Dominum bene-*
erit in extremis, & in die defunctionis sue benedicetur. Corpore in
cineres resoluta, immortalis meus animus, auo-
fruitur sempiterno. Nemo me lachrymis deco-
ret. Beati siquidem mortui, qui in Domino moriuntur. amodò iam
dicit Spiritus, vt requiescant à laboribus suis. Scio etiam quod Redemptor
meus viuit, & in nouissimo die de terra surrecturus sum, & rursum circum-
dabor pelle mea, & in carne mea videbo Deum, saluatorem meum.
Nemo me lachrymis decoret. Reposita namque est
hæc flet mea, in sinu meo. A vobis interim, o Regni huius
dilectis-

dilectissimi incolæ, dum gratum, beneficio-
rumque Dei, & solitudinum, impensarum,
laborumque meorum memorem animum requi-
ro; vos simul optimè sperare iubeo. Qui e-
nim vos, inter tot discrimina, tamq; varia & ad-
uersa fortunæ tela, incolumes conseruauit Deus;
idem vobis, bona, de singulari eius clementia, spe
firmatis, Patrem se clementissimum exhibebit.

Bonus est enim Dominus sperantibus in eum, anima querenti illum. Be-
atus autem cuius Deus Iacob adiutor eius, spes eius in Domino Deo ipsius.

Video sanè, maximaq; animi mei iucunditate
contemplor, datum esse vobis planè diuinitus,
post tot futas ad Deum preces, postque tot soli-
tudines & angores, cum Principem, qui ad cla-
uum Regni iam feliciter positus, alterum me in-
mentè omnibus facile reuocabit: seque, perinde
vt ego, semper filium obsequentem Ecclesiæ Dei
(quæ prima ac præcipua omnium Regum Chri-
stianorum dos est) Patrem Reipub. defensorem
Ecclesiastico ordini, adiutorem Senatui, custo-
dem legibus, tutorem Nobilitati, ciuibus patro-
num, omnibus denique clementissimum, publi-
ciq; emolumenti studiosissimum Regem exhibe-
bit. & quod ego temporibus Reipub. sic exigēti-
bus, bellica virtute aggressus sum; hoc ille, paca-
tis iam rebus, incenso Diuinarum rerû studio sta-
bilet, consilio promouebit, armis tutabitur, po-
tentia denique multiplici, firmaq; duorum Re-

F iij

gnorum

Thren. 3.
Psal. 145.

gnorum societate, in omnem aeternitatem im-
motum reddet ac inconcussum. Te itaque SIGIS-
MVNDE Rex, optatissime Regni mei successor,
appello: Te, te inquam, ad magna quæque, &
præclara natum, duplici Regno, Regioq; sangui-
ne illustrem, & mihi affinitate coniunctum Prin-
cipem, hortor, moneo, & obsecro, ut quæ à me
in Catholica Religione promouenda, in Repub.
ordinanda, in bonis legibus sancendis, in erigen-
dis Episcopatibus, in fundandis Ecclesiis, Aca-
demiis, Collegiis, Religiosorum domiciliis, No-
focomiis, aliisq; eiusmodi rebus, vel inchoata, vel
stabilita, vel iam perfecta vides, ea non modò cō-
serues; sed etiam exornes, tuearis, amplifices.
Nam *Non minor est virtus, quàm querere, paria tueri.* Et cum
nullus labor, illa animi corporisq; contentione
sit excellentior, quæ in salutis hominum, (tam e-
uidenter, Christi Domini dictis, rebus gestis,
morte deniq; ipsa commendatæ) sollicita diligen-
tiq; cura adhibetur; quantum animo conniti po-
tes, quantum labore contendere, tantum operam
da ut efficias, ne illa, quæ erga animas, pretioso
Filij Dei sanguine, ab interitu & exitio, ad incolu-
mitatem vitamq; sempiternam, reuocatas, mecum
creuit miseratio, in te vnquam remissior possit
inueniri. Hanc tibi peculiari quodam modo
cum Regni gubernaculis do, & lego, hanc tuæ
mando fidei; omnibus certè Regum exercitati-
onibus,

onibus, laboribusq; illustriorem. Nunciabunt
forsitan tibi, non rarò, qui mei studiosi, mea quo-
que solertiùs obseruârunt, me & pietatis exem-
plis, & vitæ moderatione, & familiaribus collo-
quiis, & multiplicibus ad equi honestiq; studium
incitamentis, literis denique scriptis, ad auitæ re-
ligionis notionem & amorem, heroicarumq; vir-
tutum studia, quotquot potui, ex aula præsertim
mea, Senatuque isto, vel adduxisse, vel incitauis-
se: in hoc tu quoque, Rex SIGISMVNDE, om-
nes neruos ætatis, industriæq; tuæ contende; ut
quam cum materno lacte suxisti, ab ipsisq; incu-
nabulis sanctissimè coluisti, Christianam pieta-
tem, in alios, quod in te fuerit, transfundas; om-
nibusq; ad illam, incitamenta & aculeos, identi-
dem coneris adhibere. Nam componitur orbi
Regis ad exemplum. Vos item, præclarissimi
Regni huius SENATORES, quos meorum con-
siliorum & laborum conscios, participesq; ali-
quando habui, moneo, perque vestram vos salu-
tem obtestor, ut in ea, quæ ad Regnum hoc, cum
Deo in gratiam reducendum, Rempub. stabili-
endam, defendendâ, conseruandam, augendam,
ornandâq; pertinent, omnibus viribus incubatis.
*Erudimini qui iudicatis terram. Seruite Domino in timore, & exultate ei cū
tremore. Iudicium enim durissimum in his qui præstant, fiet. Exiguo enim
conceditur misericordia: potentes autem, potenter tormenta patientur.*
OMNES denique vos, qui ex disunctissimis Re-
gni Poloniæ, aliorumq; Regnorū partibus, in hanc
Vibem,

Claudian. pan.
7.

Psal: 2.
Sap: 6.

omnes rationes antea et ad hanc
ora p[ro]p[ri]a

